

gers, Nach Laut vnd inhalt der brieffen darumb gemacht vnd besiglet, welcher brieffen anfang vnd Datum also Laut, Ich Jos groß vnd Ich bastion berweger, Datum Josen großen im 91 jare vnd des berwegers im 85. ainem Lütppriester der nach gestalt der zitt gegenwirtig ist zu Sant Margarethen höchst mit dem geding das der vorgenant pfarrherr aller obgeschribnen jartag am abend mit ainer vigili, am morgen Selbsibenden mit ainem gesungnen ampt von der Seligen juncfrowen Maria vnd den anderen seelmeissen, soll halten vnd begon von dem vorgenanten Som win gehören dem mesner vj d.

Witter haben die obgeschribnen Mutter vnd schwöstern zu lob vnd ehr der . . . hailgen Juncfrowen vnd Martirin Sant Margarethen, auch zu hail aller obgeschribnen, verordnet ij ß. d. brüchlicher müng am selbigen orth, Der kilchen an das Liecht, Aber nach inhalt des obgemelten brieffs. Vnd ob es sich begeben über kurz oder lange zit, das der obgeschriben Som win auch die zwen schillig von dem obgenanten berweger oder Josen großen oder ire erben vnd Nachkommen wurdend abgelöst, Als dan soll die gang hauptsum an andere Rhent, Zins vnd gült der pre . . . end oder pfarr pfround vnd der kilchen, durch den pfarrer vnd kilchenpfleger so dan zumal gegenwertig, in weyß maaß vnd Form wie obgeschriben, widerum angelait werden . . . . .

Item der, ß. d. der genanten berweger ist in der wymm mit wein erköst vnd bezahlt worden durch Alexium berweger in vergangnen jaren vnd denn kilchen pfleggern überantwurt vnd geben

Das hernachfolgend jarzit findest du im Latiniſchen jarzitbuoch am 24 blat zu dem teutschen am 34 vnd 35 blat